



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

II. Aurelianus sollicitus de bona fama Vigilij, illi per legatum significavit qui sinistri rumores de illo essent. Iste, scripta ad eum epistola, fidem suam singillatum explicuit, simul illum ...

**urn:nbn:de:hbz:466:1-15617**

*Episcopi tum contendebant Vicarios apostolice sedis subjacere debere iudicio suorum collegarum, si quid peccarent. Explicatur epistola Pelagi. Ejus auctoritate ostenditur vicariatum Arelatensem fuisse perpetuum.*

*VII. Sapando successit Licerius; quem vicibus etiam apostolica sedis & Pallio ornatum fuisse colligunt ex more tum recepto & ex epistola sancti Gregorii de vicariis Virgilij, qui proxime successit Licerio.*

recta ad Legatos Francorum qui Constantiopolim proficiebantur.

*III. Aureliano successit Sapaudus anno quingentesimo quinquagesimo sexto. Statim vero Pelagius Pontifex Romanus istius nominis primus eum vicibus apostolicae sedis ornavit secundum morem; ut constat ex illius epistola ad Sapaudum, in qua sic legitur: Majorum nostrorum, operante Dei misericordia, cupientes inhærere vestigiis, & illorum actus divino juvamine in omnibus imitari, caritati tue per universam Galliam sancta sedis apostolica, cui divina gratia presidemus, vices in jungimus. Hoc enim antiquitas memoria docet, hoc Ecclesie Romane testantur scrinia, à sanctis patribus & decessoribus nostris tuis decessoribus esse concessum. Et infra: Vtene igitur, carissime frater, auctoritate Pontificis & pastoris mansuetudine, per nos tibi locum Vicary apostolicae sedis divine gratia largitate concessum. Tum ulla ei Pallij concedit, & privilegium formatarum confirmat.*

*I. Vorrò licet Pelagius in hoc securus sit antiquum morem, petitionisque Childeberti mentionem non faciat in epistola ad Sapaudum, ex epistola tamen ab eo scripta ad eundem Childebertum patet datum id etiam precibus ejus. Vices autem nostras, inquit, prefato sacerdoti nostro Sapando secundum petitionem vestram direximus, usum Pallij pariter concedentes; quia in scrinio ecclesiastico hujusmodi exempla reperimus, quibus ostenditur Arelatensis Episcopis à sancte recordationis decessoribus nostris hec fuisse contata. Non meminit autem consensus Imperatoris pro concessione Pallij.*

*V. Admonet deinde Childebertum Pelagius honorandum esse Sapaudum propter apostolicam vicem, omninoque procurare eum debere ne is quem per vices apostolicas augeri postulaverat, in aliqua parte cuiquam Gallicanorum sacerdotum vel cuiuslibet ordinis ecclesiastici persone contemptibilis habeatur. Quippe tum descendenter aliquatenus dignitas Vicariorum sedis apostolicae, ut oblevatum est superius, ac nihilo minus Episcopi contendebant Vicarios illos, si peccarent, judicandos esse ab Episcopis suorum provinciarum. Hinc factum ut cum non ita multò post Sapaudus criminis cuiusdam suspectus esset habitus, in judicium vocatus sit a suffraganeis suis secundum canones. Cum vero nollet se sistere iudicio, Childebertus Rex eum compulit eam necessitatem subire. Qua de re graviter apud illum expostulavit Pelagius his verbis: Passi estis subripi vobis, & Sapaudum fratrem & coepiscopum nostrum Arelatensis civitatis antistitem, cuius Ecclesia in regionibus Gallicanis primatus privilegio & se-*

*Vigil. epist. 7.*

*II. Post aliquot exinde annos, cum viseret Aurelianum sinistram de Vigilio famam in Occidente spargi in causa Trium Capitulorum, ac si Vigilius contraria Chalcedonensi Concilio tradidisset, legationem ad eum misit, significans ei qui tum rumores de illo essent, addens nihilominus haud dubiè non dubitare se quin falsi essent, perspectam sibi esse fidem & prudentiam Vigilij, nihil facturum quo suam famam dehonestaret. Intellexit vir prudens quod tenderet istorum verborum sensus. Itaque scripta confestim epistola ad Aurelianum, primum fidem suam singillatim explicuit, deinde illum admonuit ut banc fidei sua professionem in omnium Gallicanorum Episcoporum notitiam deduceret; ut nullis, inquit, aut falsis scriptis, aut mendacibus verbis, aut nuntiis, qualibet ratione turbentur. Evincunt autem illa sollicitudinem Ecclesiarum Gallicanarum fuisse tum penes Episcopum Arelatensem tanquam Vicarium sedis apostolicae. Istius porrò legationis, quae per Anastasium missa est, mentio extat in epistola à Clericis Italia di-*